

**BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM**

Broj: 01-011-200/00
Sarajevo, 29.08. 2000 godine

**ZAPISNIK
sa 13. sastanka
Komisije o međunarodnim i vanjskim pitanjima
Predstavničkog doma Parlamentarne skupštine Bosne i Hercegovine
održane 29.08. 2000 godine**

Na osnovu člana 5. tačke 7. Privremenog Poslovnika o radu Predstavničkog doma Parlamentarne skupštine Bosne i Hercegovine, gospodin Branko Dokić, predsjedavajuće Komisije sazvaio je 13. sastanak Komisije o međunarodnim i vanjskim pitanjima Predstavničkog doma Parlamentarne skupštine Bosne i Hercegovine.

Sastanku su prisustvovali: g. Branko Dokić, g. Ibrahim Spahić, g. Ivo Lozančić, g. Ivo Divković, g. Halid Genjac, g. Pero Skopljak, g. Dragan Mirković i g-dja Desanka Radjević

Odsutni su bili: g. Zlatko Lagumdžija, i g. Adnan Jahić

Za sastanak je usvojen slijedeći

DNEVNI RED

1. Zapisnik sa 12. sastanka Komisije održan 22. juna 2000 godine.
2. Dogovor oko termina najavljenе uzvratne posjete BiH od strane Odbora za vanjsku politiku Zastupničkog doma Hrvatskog državnog Sabora (14-16 septembar ili 18-19 septembar 2000 godine), te utvrđivanje prijedloga programa boravka.
3. Razmatranje Izvještaja gospodje Suade Muminagić o učešću na sjednici Interparlamentarne Unije održane u New Yorku 07. juna 2000 godione.
4. Razmatranje ponovnog delegatskog pitanja Vinka Zorića, delegata u Domu naroda postavljenog na 21. sjednici Doma naroda Parlamentarne skupštine BiH.
5. Razno

ZAKLJUČCI

AD 1. Komisija je usvojila zapisnik sa prethodnog 12. sastanka, održanog 22. juna 2000 godine.

AD 2. Budući da je Prof dr. Zdravko Tomac, potpredsjednik Hrvatskog državnog Sabora prihvatio poziv Odboru za vanjsku politiku Zastupničkog doma Hrvatskog državnog Sabora za uzvratnu posjetu Bosni i Hercegovini, Komisija je ocijenila prikladnijim termin posjete 17-19 septembar 2000 godine. Takođe je zaključeno kako pri izradi programa posjete treba imati u vidu organizaciju susreta na zvaničnicima ranga kakav je bio upriličen delegaciji Komisije za međunarodna i vanjska pitanja Predstavničkog doma Parlamentarne skupštine BiH prilikom posjete Odboru za vanjsku politiku Zastupničkog doma Hrvatskog državnog Sabora, 1 i 2. juna 2000 godine. Komisija je zaključila potrebu razmatranja dokumenta koji bi bio usvojen na kraju posjete te predložila da Sekretarijat Parlamentarne skupštine BiH u saradnji sa Ministarstvom vanjskih poslova BiH pripremi prijedlog teksta dokumenta. Na kraju je zaključeno da g. Branko Dokić, predsjedavajući Komisije u cilju priprema za najavljenу posjetu zakaže sastanak Komisije prije dolaska delegacije Odbora za vanjsku politiku Zastupničkog doma Hrvatskog državnog Sabora.

AD 3. Budući da svi članovi Komisije nisu imali prilike proučiti Izvještaj gospodje Suade Muminagić, poslanika u Predstavničkom domu Parlamentarne skupštine BiH, o učešću na sjednici Inetparlamentarne Unije u New Yorku 7. juna 2000 godine, zaključeno je da do naredne sjednice svi članovi ove Komisije prouče Izvještaj te da Komisija da svoj stav.

AD 4. Komisija je nakon razmatranja ponovnog delegatskog pitanja g. Vinka Zorića konstatovala žaljenje zbog nastalog nesporazuma kojeg po njenom gledištu i nema. Poziv Odbora za vanjsku politiku Zastupničkog doma Hrvatskog državnog Sabora je bio naslovljen lično predsjedavajućem Predstavničkog-Zastupničkog doma Parlamentarne skupštine BiH, što je vidljivo iz dopisa gospodina Zdravka Tomca, Predsjednika Odbora za vanjsku politiku Zastupničkog doma Hrvatskog državnog Sabora, od 2. maja 2000 godine.

AD 5.

5.1. Komisija je prihvatila inicijativu poslanika Ibrahima Spahića da se od Kolegija oba Doma Parlamentarne skupštine BiH zatraži da razmotre inicijativu o podnošenju službenog zahtjeva Parlamentarnoj Skupštini NATO-a za odgovarajući, viši status delegacije Parlamentarne skupštine BiH.

5.2. Komisija je prihvatila inicijativu poslanika Ibrahima Spahića, a u skladu sa ranije prihvaćenom informacijom o radu delegacije Interparlamentarne Unije BiH na konferencijama Interparlamentarne Unije u Berlinu i Amanu, da se Kolegiju oba Doma Parlamentarne skupštine BiH uputi na razmatranje inicijativa da se u goste Parlamentarnoj skupštini BiH pozove gospodja Heptulla Johnson, Generalni sekretar IPU.

Predsjedavajući

Prof.dr.Branko Dokić